


蘭泉詩稿

~~TNC 3604 /~~
~~3604 / 3604~~
TNC 5492 / 3604 (45)

29533



蘭泉詩稿卷二十一

長白福慶仲餘氏著

黔陽集上

乾隆丙寅先大夫開府黔中余方
 六齡隨侍在署居於東院偶感寒疾
 小愈乳媪劉有事暫出囑小婢守視
 余思出戶一爽心目乃命婢取茶潛
 下榻甫出臥室而卧處牆忽傾轟然
 一聲床幃俱裂先大夫及先太



夫人倉皇趨視見余獨立堂中驚喜
問故知有默佑今於壬戌之秋仰蒙
聖恩簡任貴州巡撫舊遊重至當有定數
耶所以報

國承家而無負黔陽之行者又當如何兢
兢自勵也在黔既久得句頗多次為

上下二集

壬戌小春三日自皖起程之黔撫任

即事述懷

笙歌嘹唳起行旌僚友依依話遠情四載
江鄉何建樹千重黔嶺矢真誠

君恩優渥深惶感祖德綿長守令名願
策勤勞清且慎凜承
溫旨繼家聲

廣濟道上喜雨
到處偏多旱連朝苦熱行披襟珠汗滴觸
石寸雲生霖霖連宵沛滂沱轉眼傾普沾
田野潤宿麥喜重榮

黃州懷古

每讀赤壁賦想像別一天此日來黃州眺望大江邊見一葦所如萬頃果茫然人生行樂耳能樂即登仙雪堂駐節使快哉亭在前石上東坡容多髯聳吟肩長揖為致敬景行仰昔賢更問竹樓處是否猶當年云在黃岡署人惟賢乃傳

登黃鶴樓

我今來登黃鶴樓眺望晴川鸚鵡洲至今

遺跡傳不朽崔顥題詩在上頭千帆舳艫漢之廣萬家煙火望中收到此胷襟一瀟灑欲挾飛仙以遨遊

贈楚北廉訪喬蔭堂

卅年老友快重逢握手同看鄂渚峯郭外遠迎勞馱馬筵開厚誼感心胸挑燈夜話情依舊喜雨江城政協恭別後相思應更切屋梁落月比追從

偕喬廉訪梁篠素登蛇山

在湖北臬使署

携友登臨興不窮，肩輿猶勝策花驄。雲光
遠近江流外，城勢低昂山徑中。黃鶴樓高
天漢接，晴川閣峙樹林通。尚存陳墓竹籬
掩，山半有陳曾逞當年一世雄。
觀音巖 在京山縣
巖薛懸巖秀，天然大厦深。京山瞻勝境，過
客拜觀音。樹老峯頭矗，根靈石外侵。
題石壁
根不染塵衆生能覺悟，到此洗塵心。

曉渡襄江

淡月當空照水明，扁舟徑渡曉風輕。劃開
星斗江中影，彼岸飛登秉燭行。
荆門州象山書院即景
連漪分布四名泉，蒙泉惠泉龍泉順泉石上留題苔
蘚連。十步一亭臨碧沼，兩山雙堡接青天。
板橋月到浮清影，水榭風來蕩翠鈿。
書院東偏
四圍環水有菱花，教育英才源活潑。文光高映玉
堂仙。
荆州渡江懷古

江流東去浩無邊赫奕神威萬古傳千舸
浪衝軍耀武一帆風送弩離弦周郎計巧
年難永諸葛謀高祚藉延鏖戰爭雄成往
事猶存豪氣靄雲煙
桃源縣白馬渡雨中即景
細雨灑中流道經白馬渡驪珠千萬跳飛
煙下上布舟子雙漿划漁人一蓑護依稀
有遠山隱約無叢樹大米想當年揮豪得
意處

初入黔境書事

曉雲開處動雙旌小隊弓刀次第迎此日
建牙新奉

命先公開府舊題名蠻疆近喜烽煙息霧
嶂遙看山勢橫惟願民苗齊樂業巖圻聊
可答昇平

黔署咏懷

苗疆邊徼久經營百雉崇墉建石城富水
澄清環玉帶貴山拱秀映霓旌高樓兆夢

來華髮壬戌八月夢至一樓今來黔舊地
署宛然如舊因顏之曰兆夢
尋踪記弱嬰幼居東院已作書勉紹箕裘
承

聖德飲泉一勺有餘清

癸亥元旦誌喜

歲首三陽泰捷音自北來七年馳羽檄一

旦靖氛埃

懋賞論勲伐殊功稟

睿才臣民同忭舞歡笑聽如雷

壬戌秋夢見小池方亭南有一樓前

疊假山頗覺幽致今來黔署風景

宛然因顏此樓曰兆夢樓漫成一

律

不過邯鄲作是觀夢成栩栩覺秋寒小樓

攬勝林中峙曲沼迴波橋下看疊石有山

依翠竹登亭無客倚紅欄此來尚憶前宵

景宦轍何妨任所安

再至山房一百韻

憶昔乾隆歲 嚴君開府時
六齡隨節署 三載在邊陲
寢室東偏好 讀書南上宜
貴山環拱秀 富水繞含滋
膝下承歡笑 庭前聽訓詞
雙親垂愛篤 一弟始生遲
寒氣忽侵體 愁聲日鎖眉
堪憐邁久病 幸得遇良醫
災去覺多悶 興來欲暫嬉
下牀方出戶 傾屋更推幃
驚駭椿萱至 欣言神鬼悵
今朝脫禍異 他日發榮熙
旋有滇南命 予焉黔地移
風光看六詔 勝境越三峴
任滿

更旌節 席溫換玉匙
青齊曾撫治 吳會又揅持
知識因年進 胸襟逐日怡
蕊珠泉可玩 夾谷事堪追
引水無妨曲 為山不厭卑
張羅捕翠雀 垂釣理青絲
秉燭閒尋蠓 臨風或弈棋
年餘任躑躅 春至復胼胝
登陸看山景 行舟覓水髻
虎邱尋劔石 元墓訪梅籀
萬丈穹窿仰 千尋翠律歌
琴川看竹塢 香水浴冰肌
舞態蠻腰似 歌聲樊口疑
未諳經史味 每被友朋嗤
空使白駒過 誰

將黃卷窺碧雞緣尚結金馬政重施萬里
 馳驅去十年蹀躞隨中丞昭駿績制府沐
 鴻慈久住看洱海深情翼鳳池業精年矻
 矻心靜日孜孜蕉硯臨千字芸窓就兩師
 挾弓馳駿馬扣矢射霜皮窮理惟遊藝書
 懷偶詠詩空饒雞足興曾訪太華祠弱冠
 終軍等揚鞭祖逖詭辭親歸北地珥筆入
 中逵考補內繙禁署同清美繙書房在午門內西
 朝房常邀翰繙書房多勳門肆禮儀世家子弟舊姻
 林講文義

欣掌判二姊翁即新特稱門楣六禮朱陳
 合三秋秦晉提委禽迎淑女占鳳育佳兒
 紉袴承榮耀簪纓偕歡醕貂裘人赫赫金
 勒馬超超意外飛災至湘中巨案危先大夫
調任楚省嚴親西塞去慈母北園羈
緣事去職蕩析貧如洗蕭條苦莫支饗殮誰喚助甘
 旨又何資淚眼通宵墮愁眉鎮日悲約繩
 惟刻苦望月自追維一戰欣掄幟來秋幸
 折枝冷官隨眾諾貧士救調飢捧檄因親

喜馳書報 父知三年心 兩地五斗俸 魚
肯幸復承 君命歡然解 父願家庭真 愛日駕馬竭
捐糜典屬參 藩藉薦章得 首推慚非荆 楚
比幸不砮砮 遺司馬分燕 郡榆關權 虎旗
旋過八達嶺 分駐野狐 坻在萬安縣境 五載嚴
操守一朝厄 數竒兇徒 脫鼠窟 蠹役駭牛
疲因挂彈章 去遂教組 綬離故鄉 嗟廢棄
老父乞

恩私 帝澤容趨走 屬藩入等差 昊天呼罔極 搶
地枉追思 服闕蒙 新詔除官仍 舊炊瀛州分 郡檄渤海 上綱
輜歲杪沉潭 底神援浮水 湄庚子霸州隆水 餘生
同再造從政 莫無訾孤竹 一麾守酒泉 副
使縻湟中從 大帥星宿御 西夷福公相入藏平定科
爾喀取道青海余稽查軍台度星宿海西 士馬經行峻 旌旗轉
轡辭豸冠 輝繡服鐵甲 聽笳吹由安肅道調繁至烏

魯木齊鎮迪道六月天山雪三冬瀚海曦輪台宣教化疏勒御班駝四載承流愧七年食祿

虧邊俸七年

天恩優渥甚臣秩罷榮之明弼龍山任承宣皖伯司江城饒美景淮水架長圮竹綠免人俗花黃耐酒醜芭蕉看卷蠟荷芰望登陴桃李迎風笑芝蘭映日蕤牡丹珍國色金桂燦軒墀梧葉秋來爽梅花冬日披東坡瞻眺裏謝朓徜徉斯敷政祇勤勉貽

謀式穀詒

四兒博多歡赴粵東副將任便道來省視

四兒叨鎮

將五子擢雲麾

五兒博克順遷雲麾使

弱息分曹部

孫曾繞履綦

六兒和其寬七兒博奇當阿供職戶刑二部大孫重喜亦

將觀政

掌珠同毓秀舉案喜延釐

內子長子三歲

甚健祖德源流久

君恩奕禩垂只慚無建樹惟自守箴規

綸綽從天迓黔疆捧節馳建牙新

命奉樹蠹舊名貽堂構相承肯箕裘克紹

為入門尋舊室闢地作新基再至懸崇額

重来題峻碑大堂有題名碑清勤惟自矢努力報恩深

牟珠洞

五丁何年揮大斧劈開山谷空腹處中無
當日避秦人一竅呀然自千古洞口牟珠
誰署名內藏竒異難悉數浮屠玉立高千
尋分列石鐘與石鼓擊之鯨韻和鼉聲黃
鐘太簇分品敘觀音示現自在身善才見
之爭拜舞寶相蓮臺雲裏護青獅白象左

右伍仙子昔曾玉笛吹梅花落地辦出五
上有巍峩峩翠嶺之天門入者彎環皆偃偻
豁然開朗容千人壁嵌竒珍光艷吐下有
滌洄清冽之流泉將欲涉之毒蛇阻噫吁
嘻我知矣彼岸遮莫是天台仙家不許俗
人侶五十年前我曾遊此日重来留數語
問地仙識我否舊是西方老比丘遊戲塵
寰到東土頂上光芒入夜圓朗如明鏡仙
應覩

清平道上喜雨

一犁春雨正當時宿麥園蔬喜共滋嫩柳
纔黃鶯弄舌數枝紅杏出踈籬

飛雲洞

觸石本生雲膚寸天下徧夏雲多竒峯蒼
狗須臾變秋雲薄仙羅卿雲五色絢所見
不多時易散古有諺人意即天心造化補
其欠于焉施神工鬼斧任巧便定非秦皇
鞭或出女媧煉礱研勢瓊瓏靉隳堆片片

油然從地起百丈覆玉殿蜥蜴歎無能蒼
龍徒健羨因笑宋儒言渣滓為山甸若使
見此崖懸知目必眩惜哉在苗鄉空存白
雲面江南有九華靈隱名久擅那能似此
竒遊人猶戀戀弱冠我曾過時光如掣電
重来兩鬢霜眺賞頓忘倦且教駐雙旌偷
閒話僧院

紀事

癩苗蠻觸我心憂

湖南永綏廳移駐茶洞
癩苗與黔省松桃廳之

桿子均相近欲聚眾來擾竟夜無眠自運籌慎固藩籬

期設險料量戈甲時飭貴東道松早同修桃協酌添制兵

安設嚴防幸可消烽火癩苗探聞嚴碩畫備未敢蠢動

旋聞解黨傳湖南鳳凰廳傳司馬萬賴是

天威能遠震安民喜起徧遐陬

雨後銅仁道上

連霑好雨值芳辰白叟黃童笑語頻溪水

連漪深綠漲桃花燦爛淺紅勻鳥聲細碎

千般巧山色葱籠一望新貪看斜陽行處

緩叱耕人正耐艱辛

銅仁府東山寺

為訪東山寺來登山頂樓銅崖遮茂樹江

水泛輕舟雨後千畦潤風過萬竹幽俯看

羣嶺抱城市翠煙浮

玉屏道上口占

春色將過半迎人桃李芳山清溪水碧相

襯菜花黃

嫩柳村村綠黃鶯處處鳴高輪旋轉裏新

水灌田盈

轉取水灌田

黔地無桔槔用水車形如車輪上以竹為管乘以木槽溜激自

梅溪

梅子枝頭綴溪中泛小舫一篙春水綠兩
岸曉峯青桃李村前艷松蘿鶴自停連朝
圖畫裏設色滿郊坳

響琴峽上歌

響琴峽似琴鳴宮商角徵羽分明志高山
志流水知音辨別在焦尾何如峽裏日激

浪文絃武絃能自狀彈鋏而歌思故人携

琴湖上樂芳春

趙雪樵善琴以寶劍換予古琴携遊巢湖

觀飛瀑

雨後高飛瀑條條界綠蕪浣紗垂組練灌
頂灑醍醐松嶺千尋雪鮫人萬斛珠恍疑
天上落銀漢曳山隅

暮春雨霽偕觀橋方伯穆堂廉訪登

東山步壁間吳制軍韻

東山清曠半僧家曲徑登臨石磴斜遠眺

良田新雨足蒼松翠竹蔭溪花
富水長橋似畫圖層巒疊翠接平蕪萬家
煙火重城裏城有新舊二一望欄干徧也無

雨後出郊看新苗即景誌喜

案牘紛勞久廢嗟為乘新爽滌塵襟好風
吹稼芄芄秀時雨霑田漠漠深竊喜遐方
能足食更聞小醜盡搜擒川陝餘匪民苗
樂業年豐稔守土聊舒一片心

秋日遊觀音寺

浮玉橋通水一灣秋來遠眺宦情閒臨流
古寺千峯拱待月高軒萬樹環才女書聯
留梵宇汪方伯夫詩人得句叩禪關幾行
鷗鷺忘機久芳杜洲邊任往還
先大夫撫黔時捐廉製石缸貯水以
備火患歲久損壞予為修補因誌
幸吉豐以詩
防火曾留白石缸通衢今尚列雙雙
先
人遺澤清名在分得廉泉是此邦

人言癸亥秋穀生雙穗糧儲小尹伊觀察
 幸告豐年瑞嘉禾雙穗腴颯分燕尾款
 款舞蝦鬚刈稻攢高樹黔俗割稻畢縛置高樹並不登場
 傾筐入廣衢民苗稱樂歲
 帝澤久遐敷

自解

癸亥秋悼四兒之變因作六如詩以
 夢

人生原是夢哀樂就中分夢覺何曾有晴
 空無片雲

萬相隨時幻何須太認真無人無我處欲
 幻有何因

水裏萬千泡忽成忽自攷悟時付一笑撒
 手是英豪

欲問何為影前因與後因因緣今不作極
樂見天人

靈液集花間自成還自了果能悟要旨何
用多煩擾

長空掣紫電奮地起雷聲雨過歸何處相

看齊死生

自嘆

自嘆塵緣未了因勞勞徒抱歲寒身音容
想像空悽惕骨肉凋殘半苦辛四五兩弟
授室後天
亡無嗣五弟婦身殉七妹亦天
十十六諸妹
所存惟三弟及九妹三十四十六
與子六此日兒孫猶是累何時夢幻始歸
人耳
真建牙深感

君恩重多恐衰年負好春

九日偕晴岩方伯觀橋廉訪小尹穆

堂兩觀察登相寶山

深秋蕭爽興添豪風過長林似怒濤江上

龍山曾眺遠黔中相寶又登高漫言往事
窺銅鏡山寺銅鏡相傳已久且約今來食鹿糕恰喜
年豐雙穗穀民苗安堵慰吾曹

贈余景度孝廉即次見貽韻

春風絳帳溯平生深感循循善誘情人尊

菴夫子余受業師方正多君推傑士景度舉孝廉方正封

疆愧我列諸卿望鱗久別愁難達倒屣今

時喜乍迎更荷高懷示謙挹依依雅誼事

如兄

未央宮瓦硯二十韻

世珍銅雀硯究竟出奸雄何如漢高祖瓦

覆未央宮鄼侯曾監製正大規模崇考在

漢七年三輔黃圖中而何十年志豈其久

興工布囊澄泥細絲絲經緯叢易代三千

載神鬼呵護功誰人磨作硯題名遺舊礬

對此忽有感懷古心冲冲吕后計何巧烏

盡藏良弓鍾室汚一劔淮陰頸血紅真偽

無人辨勲臣誼不終傳聞曾有客匿孤三

歲童廣南投畚地尉佗養其蒙韋氏分半
姓至今傳厥翁繼絕豈天意鴻溟本太空
瓦解漢已杳瓦留見雄風滔滔江中水飄
飄山下楓上下忽千古白駒過隙同對硯
寫長句烏兔西復東

和百菊溪中丞夜坐有懷原韻即以

贈別

聞道建牙喜顏開我抃舞三月快同舟一
別成舊雨共感

君恩深不言宦途苦接物霽春風臨事如
履虎壁白防蠅污蟲生由木腐進則忠盡
思退則過求補公餘偶遣懷行樂湖山塢
稽古遊書城呼童課花園自有醒人鐘何
須對旗鼓不見岫中雲頻年任吞吐

晴岩方伯穆堂廉訪小尹觀察邀同

陸平泉學使登來仙閣即席作

凭欄遠望四山週一水迢迢蕩小舟舉網
得魚看活潑因風聞鐸想清幽年豐堪與

民同樂政簡能邀友共遊瑞雪應時歌
帝力夜郎城郭固金甌

撫署廳事前海棠一株相傳數十年

一花必有佳兆商邱陳中丞時秋

七月有花旋調豫章紀詩勒石癸

亥秋發數花冬則滿樹矣折枝與

梅同供瓶中因賦一律

應許梅花聘海棠

在皖詠梅有未許
冰姿聘海棠之句折枝

同供一瓶芳美人林下饒風韻嬌女閨中

映月粧喜對三春春色相漫言五蘊悟空

王榮枯物理尋常事願兆多稔徧遠鄉

和學使陸平泉先生以莊官齋八詠

筆峰卓秀

邊地文峯秀巍巍卓立成生花如夢瑞舉

筆見鍾嶸相對鈴轅峻同欽藻鑑明甄陶

多俊彦仰止重聲名

玉沼浮香

牆外蓮平沼清香不斷來雨餘紅錦濯風

過綠雲開邀月同欣賞懷人任溯洄羣仙
高不語淨處少塵埃

紫薇濃影

枝頭烏雀譁簇簇燦紅霞濃蔭圍青幄清
標啟絳紗詞臣愛日永仙客倚樓斜坐此
敲詩句平章對晚霞

阜英喬陰

蒼鱗傳百歲悵我未曾遊無垢禪心淨多
陰客興留日遮圓過午雨急爽如秋搖珮

來雲外烏犀韻自幽

舫軒夜雨

貴山環郭外富水繞安居不繫舟橫地為
燃燭校書灑窓秋雨細入耳夜更踈浙瀝
來篷背軒中笑語初

山閣雪晴

瑞雪方晴後凭欄列上層磧田看玉積樵
徑少人登樹樹微藏榦山山遠露稜日光
時照耀銀海起峻嶒

小畦行菜

學圃饒佳趣超然興致存幽人隨所樂勝
日便開樽香脆留菘葉清真辨菜根可知
春不老何必定羔豚

雜樹來禽

羣鳥林間集高飛傍曉山噪晴如客意喚
雨解農顏風動聲無定窓開聽自閒眼前
行樂地好句和偏慳

甲子新正謁武侯祠

翠柏森森傍碧流潔誠新歲謁賢侯如膏
春雨田園潤似古民風氣象侔幾處絃歌
聲入耳通衢廛舍景迎眸太平更遇豐年
樂士女羣登甲秀樓

甲子正月廿二日入

覲起程是日喜晴作
霖霖連旬雨朝來已報晴
天顏知有喜臣職愧虛名夾道壺漿列前
驅行李輕長途堪寓目春日聽鶯鳴

鎮遠舟行作

匆匆赴

闕小舟輕楊柳風來送客行兩漿盪開春
水漲數篙點過險灘平
髫年舊景依稀憶
晚歲新猷次第營
余已六旬有二
撫黔一載矣
歌詠太平猶自愧
莫將休養奏功成

舟中偶興

舟過沅江山漸低
溪深水濶碧琉璃
正如江上看平黛
忽聽村中叫午雞
竟夜安眠

身似健臨風遣興日
尋題飛仙若挾遨遊
裏雨足田間麥已齊

喜晴

春至多陰雨今朝
喜乍晴日光蓬底射
風色岸頭平遠岫
千峯潤長溪一鏡明
林中時格磔小鳥躍
枝鳴

安江

安江水綠菜花黃
細雨斜風道路長
款乃聲中聽未斷
炊煙直上見山莊

再過仙人房

湖南瀘溪縣境

峭壁高千尋上有石洞古洞口繞曲欄洞裏窺堂廡隱隱見匡床几案誰為主葛洪煉丹居玉喬飛鳥府猜擬豈得真奈去天尺五崖下正臨流無計窺阿堵不然是地仙借彼修月斧深山厭寂寥在此闢牖戶來去看行舟上下如張弩笑彼世間人名利不勝數我亦在其中仙家應掌杼髻年曾此行白髮今再覩忽忽四十年歷歷多

辛苦又見仙人房羨彼白雲伍

宜城道上口占

楚南楚北道途平不似黔西峻嶺橫村外小桃紅欲綻好風吹客上燕京

入河南境作

黃家河上跨三橋路入中州望裏遙萬頃青蔥浮麥潤千枝綽約咏桃夭太平有象民風古行旅無驚客慮消安不忘危司牧者可能休養致豐饒

紫雲山馬刨泉 襄城縣境

平山名紫雲山麓泉清碧泉上一石橫雙
雙馬蹄跡相傳漢光武其時正困危匹馬
走鄭汜暫憇停鞭策渴極思飲水良馬刨
石隙石隙忽飲泉味甘如玉液地果不愛
寶何異醴泉關一旦聚羣雄中興誅兇逆
山川能效靈至今有遺澤泉側建涼亭舊
蹟勒石壁所記然不然長吟問古昔

湯陰拜岳武穆王祠

浩氣常留宇宙名祠崇故里薦梁盛精忠
純孝千秋仰義勇深謀百戰贏讜論汪黃
陳短疏奸邪檜俊墮長城志存恢復終難
濟颯颯英風夜未平

重過邯鄲

依然策馬過邯鄲四十年来夢裏看多少
生平未了事但能由命總心安

沙河道上

梨花淡白小桃紅綠柳含煙夕照中廿四

番風卅六雨春深點染畫圖工

湖南高中丞杞予九妹壻也將之塞

外晤于望都途次書以贈之

別來兩載換春風今日重逢道路中節秉

湘南餘愛戴

恩承

宸北感優隆輪臺萬里馳沙漠武定三春

攬玉驄此去知君非久駐遙看

鳳詔五雲東

蘭泉詩稿卷二十二

長白福慶仲餘氏著

黔陽集下

甲子春暮重遊保定古蓮花池

十年重到古蓮池風景依稀憶舊時春午

坡前春爛熳水東樓下水漣漪彎環洞小

通山徑曲折橋長接柳隄亭榭雕欄叢樹

茂海棠正放兩三枝

出都述懷

黔山燕水逐飛鴻萬里馳驅曉夜中策馬
攀花初吐艷回車折柳已成叢朝

天三接

恩榮再

蒙 召 見六次

賜訓千言化育同感戴頻行猶戀

闕臣心如水只趨東

述職歸來拜

聖恩

祠塋親掃正春温喜偕梁案身多

健可奈西河淚有痕

四兒 初塋

繞膝兒孫時笑

慰登堂親友見情敦人生五福原難備
矻矻修身吾道存

河南道上雜詠

桃葉紛披結子多榴花燦爛錦連柯黃鶯

驚醒遊人夢數問前村路幾何

布穀聲聲喚未休農夫歌笠聚平疇風來

麥浪成千疊吹面微涼暑不收

紅花裁罷白花栽彌望青葱待雨催紅染

冠纓白作絮紛紛携向市中来

車下轅能服兩牛形彎半月比橫舟鑄成
生鐵雙輪小載向昆陽詠道周

舟行微雨

水天一色雨濛濛江岸人家綠樹叢閒倚
篷窓凝望遠愛他輕送布帆風

澤口舟行即事

澤口河流淺舟行集百夫羣推如舁盪共
挽笑鳧趨聒耳人聲沸鳴金號令驅需沙
躑躅久初得入通途

舟行即景

茂林村舍隱溪田近水人家繫渡船一望
平山橫黛翠眼前圖畫是天然
兩岸潮回布網多錦鱗活潑擲如梭得魚
換酒歡呼裏雨到爭披水面蓑

和元立庭太守重赴鹿鳴宴原韻四

首即以贈別

原註詩鹿鳴宴羣臣嘉賓也爰以四字為

賓興周甲記風雲一笑曾空莫北羣斗室

窮經精六藝文壇振筆掃千軍當年賦手
推英妙此日龐眉話喜欣鳴鹿聲中秋正
好
熙朝人瑞共傳聞
深秋述職覲
楓宸績比龔黃許老臣膝下鳳毛看繼起
眼前鶴髮正精神勤勞卅載留棠蔭清節
三湘問水濱耆庶歡聲聽已久沅江處處
古風醇

八旬有二興猶奢從此期頤齒更加梁灝
占魁原有定彭篋不老自無差如君卓識
常憑軼愧我庸才濫建牙幸是楚黔壤相
接快逢三度藉浮槎
門常投轄善留賓瞬息光陰兩送春大禮
引年朝解組還家歡宴夜燃薪贈詩作餞
多僚友遞道攀轅滿郡人白雪和成情更
切魚書他日莫辭頻
書恪勤公琅制軍
侍姬陳氏殉節

事

天地有正氣付畀本無殊鬚眉已堪尚況
乃巾幗姝恪勤滇黔使舊雨心跡符鴻才
兼偉抱中外惠澤敷祥柯未一載平苗寇
患除承
恩制六詔大蠹揚前驅桃根與桃葉隨侍
昆明湖桃葉先春落桃根秋月孤維西忽
告警振旅掃穴勦擒渠閱二載心瘁身卒
瘠凱旋疾益痼桃根百計圖焚香默祈禱

日夜眉不舒大星偏自隕搶地號天呼殞
殮悉中禮摒擋遺憾無囊中餘清俸筆記
皆錙銖送死大事了精力已全枯從容言
已志環告淚沾襦主人恩義重長逝慟須
吏了身無以報殉塋意久儲靈前展拜罷
慷慨一捐軀香魂從地下節烈事堪書名
公為作傳千載留驪珠我聞三歎息庶幾
仁矣乎

甲子中秋偕小尹靜軒兩觀察登明

遠樓

棘院同登明遠樓
平分秋色爽人眸
燈搖檠燭三條夜
月湧冰輪萬景幽
倚檻徘徊曾次靜
凌風飄渺樂音浮
桂花香裏清如許
定有朱衣暗點頭

小尹令嗣應北闈秋試

喜晴

經旬積雨減秋光
曉起臨風霽色涼
籬下鮮妍花愛日
天邊嘹唳雁呼霜
登樓遠眺千峯淨
把筆閒吟萬慮忘
兩度年華逢歲

稔

君恩優渥徧遐方

乙丑新春試筆詠甲秀樓

攬勝人登甲秀樓
一灣春水漾芳洲
雙橋影動漁舟蕩
百雉煙籠市井稠
面面環山光四照
層層列樹壯千秋
豐亨獻歲民苗樂
蕭寺焚香士女遊

上元燈詞

夜郎三度屆元宵
泰宇陽回斗指杓
爆竹

聲中簫鼓動太平景象慶

熙朝

通衢徹夜玩燈樓萬燭光輝踏月遊白叟
黃童齊笑語民苗安樂祝豐收
逐隊龍燈鑼鼓鳴爭奇鬪勝各紛呈驪珠
欲攫盤旋舞戲海騰雲轉眼更
銀花火樹映冰輪巷舞衢歌錦繡春十萬
人家衣食足雨暘時若物華新

登甲秀樓再賦

樓上憑窓景色分氤氳遠岫起春雲鰲磯

獨峙滌泗水鐵柱雙標前後勳

樓前有鄂公勒侯平

苗紀功

老我白鬚思往訓引人紅杏趁斜

曛岸低垂柳眉初展靜聽能言鳥喚羣

穀雨後一日出郊查看青苗用傅素

餘明府見贈祈雨有應原韻

霖霖甘霖幸未遲試看郊外景相宜一犁
叱處牛行緩萬頃沾來雨及時嶺上新苗
初播種田中宿麥正含滋南明河夜漲漁

舟滿蔬豆芡芡紫陌垂

雨後種竹

龍孫作雨沛甘霖鳳尾搖風聽好音為愛
虛心多植節曉窓相對豁塵襟

慶雲篇

嘉慶乙丑歲六月甲子期黔中慶雲現五
色光陸離非煙似煙靄非霧如霧披郁郁
西方布紛紛翬天涯忽散忽又聚旋合旋
分之浮空輪菌薄氤氳映日奇碧落錦章

鋪縐縠回漣漪步障淡黃抹淺綠透紗帷
方飄翠帶舞紫綬漫空垂綽約蓮蕊燦笑
蓉朶朶歌疑是天孫織須臾任管窺民苗
同瞻仰太平有象知
帝德光昭日祥瑞見邊陲連歲豐收好今
年暢雨時小臣沐
聖化濡毫謹賦詩

雨後邀體齊方伯靜軒觀察集蔭原

廉使署中觀荷

烏臺官閣夏相宜佳景西園夢草池翠蓋
珠含新雨後朱華香送晚風時橋通修竹
心源曠亭蔭高槐客興怡沉李浮瓜看不
厭清談猶可記新詩

贈惺慧上人 貴州白雲寺住持

八句戒衲足精神寶相圓通見道真孤鶴
千年天外翼閒雲一片靜中身點頭頑石
聽經悟獻果靈猿說法馴話到無生應一
笑拈華曾具佛前因

黔署堂前海棠秋開為瑞癸亥冬月
蘇盛田曾與梅花同賞有詩紀之今秋與
登對一丹桂並放折插瓶中再賦一律

秋色平分景物饒海棠丹桂一時標天香
自是披宮錦金屋祇應貯阿嬌同供玉瓶
憐二美漫敲銅鼓撫三苗太平獻瑞徵蕃
茂連歲豐亨
帝德昭

和顧晴芬學使 臯見贈秋日同登兆

夢樓原韻

八月良時節氣清景復幽梧桐葉正茂繞
屋成一邱佳客來相訪愛我垂青眸丰采
多磊落才高百尺樓道義真體認經史腹
笥收龍頭魁多士名重荆山璆衡文來黔
嶺多士振驂騶白雪詩相贈健筆凌滄洲
登樓一憑眺天香雲外浮大有占已兆多
稼盈田疇民苗皆拊舞疆祭從俗腰相與
觀此象民樂心悠悠念我秉節來轉瞬已

三秋不見干戈擾絃管奏清謳終歲雨暘
若邊疆民物稠凡此太平景遐敷
帝德由羨君懸冰鑑到處清譽流輿馬巡
西境曾經古渡頭星軺臨夏返娛親清暑
留團圓稱慶後駕言驅前騶重陽題糕日
金風作態柔琢玉心良苦披沙目更周萬
峯環馬首雙旌擁行舟芹藻馨香處泮水
思泳游

乙丑中秋作

自我來黔地三度屆中秋羣苗此跳月蘆
笙吹不休歡言結婚媾相携趨山陬為政
因其俗何必事苛求嚴禁彼漢奸不使巧
持籌民苗各安業無擾良優游策馬望四
野禾黍喜豐收足食皆有信布化時承流
金粟飄香烈銀蟾照芳洲邊徼同此景陰
晴萬里週惟念索處者對月反生愁且勸
莫生愁消愁飲一甌不見窮途苦不見早
潦憂昇平感

恩遇三載無愆尤光天化日中隨遇觀所
由不是巢居日不是穴處儔安能無離恨
歲月去難留人生行樂耳對此心悠悠

九日偕駱勉齋江謹齋遊雪厓洞登

來仙閣步吳制軍題壁韻

連開倦眼夜郎西醉裏看山醒復迷行到
最高峯上立危欄百尺倚清溪
同遊人在嶺雲西樹隱禪堂望裏迷閣上
來仙仙不識斜陽留影過前溪

和甯湘維刺史原韻

腹充經史與莊騷博學旁通術數高同向
中秋吟桂月又逢九日飲花糕懷人有夢
馳千里愧我無間感二毛此際深情何所
似牂柯江上水滔滔

丙寅新春試筆

又見黔陽四度春春寒料峭易侵人屢豐
元氣民皆復綏靜邊隅化自醇景運休明
光遠被

皇恩優渥契重申熙熙皞皞風淳古安不
忘危念夕晨

上巳勸農作

秉耒正逢上巳日郊原喜見麥青葱知時
好雨田疇潤應候扶犁耜事崇童叟歡騰
期樂歲旌旗高捲動和風未曾修禊尋流
水遙見遊春野寺中

偶寫江天春霽圖自題於後

水榭依山一道斜茂林深處隱人家正逢

上巳春非晚修禊臨流有杏花
一江春水盪漁舟風自融和柳自柔繞樹
流鶯啼不斷前村時有野鷗浮

戲題曉妝圖

愛花早起日初升獨坐凝妝對鏡明自整
雲鬟盤髻巧畫眉新樣記多情
窗外桃花映曉妝桃花人面費評量嫣然
笑靨花無語人倚東風喜正狂

夏至喜雨

端陽有雨夏至雨

五月初六日夏至

田家五行有

占語若能_有雨定豐年糧滿倉箱菜滿圃

黔中跬步皆山阿望天之田與山土

黔中無水

源之地謂之望天田山頭嶺角之田謂之土

今春雨足水充盈

樂徧民苗齊拊舞出郊一望果青葱麥浪
秧針同穎豎使者後樂先曾憂常願足食
千萬戶

臬署夢草池中開並頭蓮一本李蔭

原方伯巴靜軒廉使邀賞即席步

崔總憲韻

夢草初秋露滿塘蓮開並蒂兆嘉祥二喬
聚首臨江渚百鶴盈池艷夜郎五十年前
曾獻瑞乾隆丙子池中曾開二枝六千里
外共飛觴榮圍金帶花先報清雅何殊綠
野堂

丙寅七月七日出郊看青苗

牛郎織女隔天河郎扶耕犁女擲梭一年
一度鵲橋駕試問愁多是喜多衣食全資

織與耕織賴絲棉耕水盈黔地絲棉苦兩
缺多耕少織民之情今歲雨暘幸時若民
苗拊舞勤東作手胼足胝歎老農且耕且
耘于昏樂駕言郊外問青苗禾黍芄芄低
復高舒花結稿幾萬頃彌無涯涘興亦豪
為問父老歲如何答言歲稔民物和穿林
度陌秋風裏又聽前村擊壤歌入耳高歌
聲正清黃童白叟笑且迎為指山頭與平
地百穀青葱卜歲成忽看茅屋起炊煙洗

車雨灑石城邊有人乞巧乞富壽我欲為
民乞豐年

輓顧和齋

昔年江上會君面邀君入幕安筆硯指臂
動勦纜數秋我旋秉節來羅甸山川修阻
未同行尺書聊作禰衡薦忽有朶雲自東
來言君已赴玉樓選不覺酸鼻心怦怦人
生如寄真可唁魂歸吳兮已幾時噫吁嘻
兮難再見

六兒和其寬乞假來黔省視即迎春

北歸漫賦一律

開府黔山歷四年鄉心話久最纏綿羽林

儀衛依

丹陛

五兒擢雲麾七
兒初充侍衛

雲水分曹詠絳仙

六兒

在戶曹大孫重
喜觀政比部萊綵娛歡聊永日布帆安

穩盼歸船春明述職

天墀近應有團團笑語連

答法時帆學士即用見贈詩原韻

天風吹珠璣萬里酬清唱
郇公五朶雲飛來黔嶺上
碩彥重鄉邦羣儒高山仰
道脉溯程朱禮門新闢創
斯文自仔肩曷嘗須臾忘
走筆驚雷霆吐辭必精當
著述富等身汗牛高可望
東序懸金鐘虎闥施絳帳
大叩小叩鳴經義如雪亮
席奪五十重奎光浮曉仗
大雅藉扶輪吐握師姪相
帖括廣搜羅賸觚亦不讓
木天清秘堂高懷自超曠
因風托豪素傾慕難為狀
就正寄蕪

編運斤資哲匠多君遠裁
答深情傾膈臆陽春白雪
詩雲海相跌宕浣薇百讀
餘胸次一濶壯神交夢寐
間路遠形神悵

次伯玉亭制府麟見贈原韻

久矣山斗欽更仰從政肅
願言得佳會吹笙與鳴筑
前冬過黔疆曾悵行期促
驪唱送八駟孟中斟芳醪
聽說到滇南使節相敦睦
滇南中丞永錫齋名保甚相契吏畏民自懷
綱舉張其目猥匪忽擾邊
擊去如逐鷺羣黎賴以

安復業轉饒沃兩省沾惠澤豐歲足百穀
文教日振興多士經筭蓄慈祥口碑傳耳
中聽已熟閱武來夜郎握手傾心腹歡然
暢敘間頓展雙眉感才學老逾優下風甘
拜伏韓范今再見事功古岳牧愧我踈庸
材珠玉比首着續貂一笑同茅簷接華屋

九日登相寶山分韻得似字

相寶同登高娛賓設簋簋遠眺開襟懷萬
家環城市翁鬱鋪平林貴山繞富水煙靄

迷峯巒微雨滋葛藟使節來黔中

玉亭相
制府

晤沾沾喜閱武齊戎行觀風惠士子慈愛
諮民情公正飭綱紀政暇多賦詩清新抒
妙旨感懷聚與散人生萍踪似佳會逢重
陽百年亦偶爾靈運寄遐思髯蘇願竊比
輾然問黃花明秋誰來此

次玉亭制府九日見贈韻

面面崇山繞四周逸情高閣久遲留同舟
自有三生果小飲剛逢九日秋雲樹蒼茫

迷望眼稻梁充積擁鳴騶最難知已登臨
處白髮於今感壯遊

次玉亭制府登甲秀樓韻

登樓同眺望禾稼已全收日色明初霽松
濤響亦幽扶風山籠翠靄涵碧潭漾清流
甲秀興文運題名閱幾秋

和玉亭制府遊雪厓洞登來仙閣原

韻

朗吟飛渡後何日此間逢閣上空留記厓

前憶撫松一灣秋水岸幾度夕陽鐘登眺
情無極雲山隔萬重

初冬小集廉使署中別墅散步鄂文

端公題壁韻

紅樹霜初重黃花葉尚肥方亭叢竹蔭曲
檻小池圍山色悠然見雲光率爾飛上公
題壁處好句繼元暉

冬至前五日偕玉亭制府及幕中諸

友重登來仙閣即席誌別

高閣留仙蹟羣賢約再登朔風猶未勁瑞
雪已先徵清徹波光飲晴烘山色凝雙旌
今別後思逐馬蹄增

丁卯初春長女蒙

恩指為三福晉恭紀一律

簪纓奕葉世承

恩貴戚榮叨萃一門

鈕祜祿氏自

高祖

公主後

孝昭

仁皇后

二福晉皆同

支系

王妃福晉

喜荷天潢聯月牘正當黔嶺啟

尤屢出

鈴轅敢援馬鄧誇蘭畹差擬金張溯水源
感沐

深仁彌自勵恪恭朝夕此心存

四月十二夜雨山水大發冲入貴陽

北門猝有淹斃者慘然成此

自我來黔中四載歌大有米賤百物盈貧
者得餬口今春雨場時耕種惟恐後而何
首夏中大雨傾盆久夜半忽異漲洪水澎
湃走冲門入城來聲比長鯨吼廛舍多汪

洋傾頽莫措手睡夢不及防隨波折其偶
死者良可傷哀鴻苦童叟我聞急登城一
望如疾首大呼撫卹之諄諄令與守亡者
給楸柎生者與麩粳更付葺舍錢賑濟計
升斗捐廉散放均昏吏禁掣肘一夫弗失
所惠莫致虛受入
告具飛章仰體
君恩厚

丁卯秋試監臨放榜日喜貴山正習

正本三書院肄業生獲雋者十七
人書呈院長

高燭千枝照五魁十年燈火顯英才笑看
淡墨題名日多少門墻負笈來

長沙周母馬孺人詩

洞庭水濶湘江清七星盤踞嶺參橫皇英
廟祀馨香遠毓秀閨中烈且貞浩然正氣
留巾幗賢姑賢婦同時傾烈哉周母維坤
軸系出扶風歸望族布裙椎髻桓少君舉

止温恭還慎淑承歡堂上潔滄溘家無間
言謀式穀脫簪曲珥相夫子惠及周親共
敦睦四十餘年婦職修母儀壺德復何求
無何明季丁厄運干戈蠶起盜賊流村民
老弱驚奔避骨肉離析各自謀趣夫奉母
遠走匿勵子募士捍寇讐獨與子婦持門
戶寇至不形戰栗憂冢君述之人中龍衆
志成城集義勇有讐喻賊授偽檄母命拒
之如脫踊讐奸族噬計不成復導賊衆攻

其門刀鋸脅母迫兒出兒來母怒叱速奔
人生視死如歸耳見危授命舌尚存厲聲
罵賊不絕口三婦嚙舌踏及痕三百餘人
齊遇害風雲慘澹天地昏冢君斷腕幸潛
逸包胥乞師哀愈慄搥穴生得讐人頭獻
祭墓前心事畢一門節烈盡忠魂
聖主褒嘉魚慰卹
綸章賜職不忍受七哀之痛成縹帙天佑
善人厚報施奕葉簪纓綿弗失七世雲孫

賢太守典郡大方延譽久章明禮法溯淵
源五載公勞資啟牖出其家乘獲詳觀大
節昭昭永不刊慷慨激烈氣為壯當作龍
門史傳看姑婦死義三綱備形之筆墨風
雨寒

老衲

老衲在深山恰說塵寰好深山多寂寞塵
寰日紛擾鶴唳與松風靜中聲縹緲城市
起喧囂情緣自縈繞衣鉢宗律傳忠孝人

倫表法侶為弟昆禮教臨師保內典供參
禪詩酒寄懷抱猿鳥如子孫焚香地亦掃
骨月皆天緣膝下時圍遶野花如錦鋪枝
頭喚羣鳥花不能解語鳥空棲木杪鶯歌
燕舞中姿態雜顰笑袈裟袒右肩勤修身
自了衣紫與腰金學以致其道淡飯飡黃
蘼將午充一飽食前列方丈萬錢亦云少
古刹起浮屠莊嚴空竒妙開軒作綺樓燕
寢凝香繚濃淡原相殊靜則動思早遊戲

一登場閱歷幼至老甘苦皆備嘗細觀拙
與巧十萬里行程雪中印鴻爪貧富味久
諳春花比寒篠人情冷暖分秋雲蜀道瞭
悔却一念差歡樂生煩惱含笑須菩提老
衲凡心討

戊辰新春試筆

連朝甘雨灑春城小閣梅開景物明二麥
初蘇田已潤千山欲笑樹爭榮衢歌巷舞
昇平樂財阜民康富庶成五載黔陽逢大

有履端更祝歲豐盈

次韻答

錢質夫學使

學彬見贈七

律四首

溟鯤奮擊浪三千履曳星辰尺五天已見
文章張鷟貴更傳政事杜詩賢海洋出守
才猷裕粉署承

恩雨露鮮奉

命觀風邊徼重朗懸冰鑑望如仙
薇垣星朗燦長庚著作如林仰盛名赤幟

新標覘學富絳帷得句頌承平生花貽我
陽春艷雅度逢君仙露明自是玉堂清望
久鼎梅他日待調羹

黔嶺燕山悵望遙喜逢持節遠乘輶人如
舊識情多密地近鄉關興倍饒濟世宏才
真浩浩論文卓識自超超瑰竒磊落憑珊
網藝苑滋培雅化昭

五載巖疆撫字勞愧無建樹對旌旄夙叨
世澤邀

三命未効涓埃感二毛啟迪幸聯蘭幄近
半裁猶仰戟門高相期黽勉酬
恩遇無忝
彤廷寵渥叨

友人贈詩相勗感而有作

初來甫六齡再至六旬足忽忽春與秋六
十今有六白髮憶垂髫光陰何太速甘苦
已備嘗惟賴前人福自念才本疎常愧
食顯祿百韻詩偶吟涉歷紀滿幅秉節對

黔山五載多慚恧所幸歲屢豐民苗同悅
服攬鏡見蒼顏不異松與菊歲晚留寒香
已借君平卜從此樂天年由命無須祝感
君期望深挑燈一再讀

長孫重喜觀政刑部授提牢主事詩

以寄示

廿四年前喜抱孫西曹今日沐

君恩憐予白髮盈雙鬢幸爾青春侍

九閣勤慎恤囚當盡職協恭敬事在謙尊

箕裘克紹心期切自愛須知世業存

夢中

夢中見慈母捧手淚沾巾胡為鬚鬢白

猶作赤子呻同是臯魚哭榮顯難養親憶

我孩提日顧復多深仁出入撫摩切教育

方成人及乎理權政得祿以濟貧忽報

母病篤五中如炙薪遽難返侍奉一官羈

此身燃掌未得效念兒猶諄諄奔喪拜靈

前呼捨命不辰悠悠四十載捨兒如鮮民

菜衣不能舞定省悲夕晨三更偶一夢此
景為情真哀哉慟罔極夢覺徒酸辛

偶讀長慶集見以飲酒為樂因賦

我愛香山詩不及香山酒每飯飲三杯代
藥頗適口宴客聊相陪獨酌殊未有不識
酒中趣何能不釋手

養蠶吟

黔地本無蠶年來携自客龍精化如神蒼
生利其益初生微似蟻采桑向南陌食葉

每七朝三眠在璘藉作繭性自成抽絲織
絹帛仙子杜蘭香玉女羅傳昔又解合人
心巧思任選擇隨方可為圭就圓亦成璧
女紅先此謀把玩在几席為咏養蠶吟遐
方記新獲

獨坐

獨坐忽煩悶展轉多徘徊萬慮一時起有
如棼絲堆樂天詩一卷朗吟胃次開
無處求棒喝香山為我師貧富置度外榮

辱常不知如此處塵世更有何相思

懷三弟芷泉

一別四載餘弟向洛陽去需次亦云久使
我添愁慮去歲書頻來常言事多故蹉跎
非無因得失各有數惟念累已深宦途豈
饒裕日日盼佳音天緣或偶遇

陸冰菴贈詩索和賦答

灑落襟期迥出塵羨君明月證前身節端
論事名言徹陸海敲詩好句新却暑生衣

非蜀錦娛賓野味乏猩唇佳章贈我高難
和學步邯鄲愧逼真

陸平泉侍講典試滇南事竣過黔賦

詩見贈依韻奉酬

一別三年再見時丰姿磊落仰鬚眉掄才
士喜遠鴻奮感舊心隨旅雁馳愧我封圻
無建樹羨君清秘屢遷枝依依不盡燈前
話又悵雲天去後思

孝女夏涵

乾坤正氣孝為先或鍾於男亦鍾女孝女
曹娥自古傳今有夏涵實可取昔年隨父
宦滇南女父夏瑚為建水令雙親棄世歲不與有兄
宿疾難養親孝女悲啼淚如雨乞憐僚友
情堪哀將伯助之免羈旅扶襯回黔窀穸
營廬墓苟存非得所年過三旬未適人
覺無告多悽楚我聞太息心中酸分俸與
女勸義舉更屬首令選德門于歸佳士須
善處風化所關當表揚為作短歌傳厥苦

和法時帆學士見寄原韻

我雖吟詩多警策自慚少賞識仰高明月
旦自了了時帆八斗才真堪作師表芷灣

宋太史湘
典試來黔

九經庫海濶河流小披沙善揀

金取士必矯矯兩賢莫逆交揮毫各深窈
泰山出層雲不見爐煙裊構思未能精多
恐案牘擾放衙步怡園清風來林篠
健筆天下廣誰修五鳳樓師耳以心要實
學自可搜馳辯與摘藻殿最博覽收斯文

易會萃真儒不易求黑白太分明去取如
棋讐駕言即北趨黔中不久留僚友當諄
屬此志必有酬時帆來書云傳李二士
選集黔中詩屬為襄助傳
李洵佳士被濯當運籌

戊辰中秋闌中作

銀蟾朗朗照南樓久雨方晴豁遠眸撫字
黔疆經六載監臨棘院已三秋難違定數
機先兆甲子題監臨堂聯云却
喜三秋鷄薦盡是真才自有因緣
事不謀恰喜承平聲一片菁莪雅化此中

求

九日集相寶山登高用宋芷灣太史

榜發玉尺樓原韻

久雨初晴神自爽粉糕九日插獅蠻三千
士子真才選百萬人家樂歲閒秋色迎眸
黃菊滿歌聲徹耳白雲間不須戲馬臺邊
望時有文星曜遠山

李蔭原方伯鑿宣令嗣錫民世講典

試滇南過黔贈詩依韻奉答

家學淵源際

聖時

恩承中外擁旌麾趨庭鯉對詩書澤染翰

龍池雨露滋西粵南滇欽藻鑑錫民前歲典試廣西

春風秋月見襟期韋平事業從今盛萬里

雲程快所之

有感

問雲何從生問水何所住空山寂無人水

雲自來去

自警

漫道乘槎向碧空神山猶滯一帆風七年

秉節黔陽久五日開衙京兆同緣事被議旨

以從三品京堂用蒙恩暫署黔撫篆

帝澤高深宏覆載臣才踈淺愧愚蒙從今

惕勵縈清寐有鑒前車省厥躬

別怡園

七載怡園作主人手栽竹木已成春低徊

池畔魚爭躍徙倚欄前鳥亦馴牆外峯環

雲挹秀庭中石久黛生皴從今萬里迢迢
別未必重逢話舊因

奉

召入都自黔起行作

長途小隊耀雙旌七載還京萬里行風日

晴和逢閏歲季冬二十日立春民苗奔走見輿情

連宣

罷命承

恩厚

奉

前到京

繼

又奉

旨務於正月十六日

以

有數

旨催行

歸裝就道輕仰望天衢欣且感宵來攬轡
問前程

立春日辰州登舟作

勞勞客路快逢春泰履三陽氣象新舊事

已過如夢覺

殊恩疊沛自天申買舟意慳東流順計日

心瞻

北闕頻岸柳風催眉正展布帆安穩度江

濱

戊辰除夕途中遣興

歲除遵路尚驅馳
回憶當年出塞時
雪海懸崖朝跋涉
羶爐宿火夜支持
依然僕僕康莊穩
況復殷殷遠使知
苦樂攸分人似昔
且教剪燭坐題詩

襄陽張太守遣人在呂堰驛設席

已巳元旦南陽道中作

策馬南陽報曉春
野途風景逐征塵
衝寒那得椒盃暖
獻歲應知雨露新
六十七翁欣矍鑠
三旬二日走艱辛

貴州距京七千六百五十里起

程時酌定三十二日抵都

國恩家慶同歡感
好步亨衢覲

紫宸

[Faint bleed-through text from the reverse side of the page]

蘭泉詩稿卷二十三

長白福 慶仲餘氏著

司庾集

前由黔撫任內緣事鑄級奉
旨以從三品京堂補用已巳上元前三日

抵都季春月朔蒙

恩補授倉場侍郎感戴

隆施實非夢想所能及伏念

天庾正供職有專司集以此名慎所守也

命恭紀一律

回首黔陽萬里馳入都喜值試燈時才踈

深悔愆尤集

恩重真蒙

特達知農部外臺分掌握均人轉運共操

持

與許侍郎兆椿

命小臣感戴情靡極勤慎

和衷勵所司

和法時帆學士見贈原韻

萬里神交久郵筒各賦詩言旋親造訪談
笑慰遐思御李雖欣快瞻韓尚覺遲潞河
今泛棹正在暮春時

宿滄州懷鄉圃刺史

津門思往事于役到滄州詩酒風情合琴
書氣味投廿年駒過隙萬里雁橫秋更約
燈前夢丹青空自流

調補工部右侍郎赴石門查工作

于役宿石門新秋對明月大火漸西流清

光足怡悅十年肩輿行此日據鞍發自笑
老益強良宵氣英越

荊州曉發

曉行來古道斜月馬頭明地僻人多寂秋
初暑乍輕有村聞犬吠無漏任雞鳴此際
心神爽低徊往日情

典試中書入闈作

辛苦難忘舊日情重來叨說主文衡連番
雅樂雍容奏入座賓僚氣味清藻鑑羣倫

原不易公平將事共抒誠秋高天際香生
桂一樣寒窓起衆英

九日三河道中

無處可登高曉來遵大路禾黍已全收雁
聲天際度有霜葉未紅楊柳青如故寒氣
乍侵膚小溪水已汨落帽有何人戲馬是
誰顧舉頭見遠山仰止心徒慕

馬蘭峪即景

幾叢紅葉醒人眸萬壑千峯景物幽椽子

海言香 卷三十三
啄餘熊腹果松花吹滿鹿踪留方城隱峙
崇墉固曲水周遭亂石揉蕭寺鐘聲來枕
上月明爽色正深秋
除夕侍宴
瑞雪繽紛餞臘天羣臣拜手侍
瓊筵簫韶迭奏皆從古冠珮雍容喜共鮮
萬國來朝欽
盛世八埏同賀慶豐年賡颺
一德宣風化除舊更新邛治全

庚午元旦早朝

瑞雪初晴景物新正逢元日立芳春衣冠
萬國趨

丹陛鸛鷺千行拜

紫宸憶昔黔陽虔奉表于今卿貳共垂紳

頻邀

異數誠難報

工部轉左兼正黃旗滿洲副都統

願竭愚忱

仰

聖仁

書懷

歸來掄指又逢春
綠柳紅桃正可人
和氣致祥百事順
好風種德一番新
常生歡喜心多泰
悟徹因緣性即真
隨遇而安無妄念
任他歲月往來頻
奉

命行

指婚禮恭賦

結髮大臣取壽考

予年六十八
子年七十一

奉

勅指婚充月老

天潢一派綿

懋奕

繁載

銘英俊聰秀如珍

寶勲門世族選淑女
諏吉稱祥室家好琴

瑟和諧同百年瓜瓞綿綿荷天保

潞河道中書感

麥苗嫩綠菜花黃
時過清明日已長
一樣

良田勤播種貧民偏自叱耕忙

詠天問畧

并序

藝海珠塵載天問畧云陽瑪諾西

人明神宗時至中國或有問天者其所答也凡日月星辰度數知之者眾惟擇其所言奇異非常言者

詠之以廣見聞云

聞說天原十二重

一月輪二辰星即水星三太白即金星四日輪

五熒惑即火星六歲星即木星七填星即土星八三垣二十八宿九東西歲差十南

北歲差十一宗動十二上帝諸神天平分九重十重其說甚微妙自有專書

七政日居中

四日在重

日光上射羣星燦月

有盈虧日下烘

星月無光借日光故常明星在上全得日光

月在下日光在上半照則虧日月正對則盈

相傳日月本西升宗動天居第一層自是

右旋帶轉動

宗動天帶轉動下十重一日一周五辰列宿亦復如是

蟻行磨上理堪憑

此說本有但未言宗動天帶轉動也

十二重天上帝居凝然不動自清虛

此本舊說

地球四面人皆有日午臨時得所於

日臨

於四方之正各為午時但四方轉側人何以居殊費解

半年為晝半年夜北極行空難假借

晝夜

時刻日由北極出地各有長短其以北極為天項以赤道為地平者赤道北諸節氣

全在地平上赤道南諸節氣全在地平下
而半年為晝半年為夜矣蓋以推算度數
人恒見半得自西洋說有人也曾目覩何
天故也須詫

馬朗山中丞慧裕創作八音律百首

初夏郊行戲仿其體用溪西雞齊

啼韻

金臺遺蹟近長溪石景山崇大道西絲曳
柳枝堪繫馬竹環村落下聞雞匏樽貯酒
風光別土釜調羹火候齊草鼓無聲蛙鼓

鬧木林猶未有鶯啼

與表兄王夫成集總夫彙話舊仿八

音律

金闕曾同珥筆迎幼時同石橋西畔夢猶

清內繙書房在絲綸恭譯承

天語御製詩文交竹簡新繙愜古情

四書五經俱匏繫三年方奪幟余行走三

新繙成書夫成總土風萬里各分程由余

藩院筆帖鑿儀衛夫俱入京夫成由總鎮今草鞭

策馬歸來日水杪山頭曉夜行

感懷做八音律

金烏玉兔見升沉石火光中老逼人絲亂
欲抽終就理竹虛多節最堪珍匏瓜不繫
猶能食土鼓無聲肯認真草帶欲剛須自
勵木從繩直好持身

遊極樂寺國花堂

行樂能消夏日長朝回初訪國花堂陰濃
綠繞微風動色艷紅分宿雨芳荷靜田田

浮曲水蟬鳴嘒嘒度迴廊疎籬密竹添佳
興坐久全教俗慮忘

奉酬馬朗如少司空見贈原韻

服官中外笑匆忙那得清華到玉堂水驛
安恬猶順軌棠陰蔽芾久留芳千軍雄陣
風行草百首新編月轉廊朗如一月成武
八音律百首武
緯文經韓與范和平時聽頌聲揚

和陳退齋詠賜兒山韻

重重列嶂起煙鬟蕭寺遊人有笑顏宜爾

子孫能默佑佳名不愧賜兜山

九日侍直

殿閣巍峩似九臯重陽侍直勝登高琉璃
碧瓦崇金闕玉石雕欄近繡袍鵲噪
上林皆喜起籌傳禁地數周遭滿城風雨
宵來近得句誰題此日糕

蘭泉詩稿卷二十四

長白福慶仲餘氏著

春官集

司度而後朝夕從公詠吟漸少今歲

庚午由理藩院侍郎遷工部轉左九

月蒙

恩擢授禮部尚書

寵眷愈深感惶愈切更何暇臨風染翰為
抒寫性情計哉第心之所好偶有感

觸率爾成聲不忍棄去因以春官名
集猶物之應候而生四時佳興于是
乎在

仲冬奉

命恭詣

盛京重過永平府作公移今陳古今
一麾出守北平城廿載重來宦輟更姓氏
猶能傳故老山川依舊慶豐亨叨持節鉞
黔陽久愧荷二十四

絲綸白首榮四十六年承

惠澤感銜

恩命矢丹誠

姜女廟

今到姜女廟昨過望夫臺遺貞千古跡跋
涉尋夫來精誠通神鬼哭骨倒城隈投海
心何烈波濤湧墳堆高下隨潮長變俗國

人哀姜女非死也秦皇安在哉

生題聯云秦皇安在哉萬里長城築怨
姜女非死也千年片石遺貞墨蹟尚存

月夜

乘月愛宵行前途一色明平沙輪轉穩高
樹鳥棲清遠道難論里關外嚴寒易久晴
不聞村犬吠茅店偶雞鳴骨陰凝別外
今望海店口占望夫臺戲負千古祝
南望分明東海邊汪洋浩瀚與雲連水天
一色蓬瀛路那得乘槎萬里船

松山

松山杏山作戰場二十三萬明兵狂我兵

直如從天降一以當百奮勇強明帥奔北
水潑火兵將不顧各倉皇退回束手竟無
策從此不復窺瀋陽

睿藻煌煌永泐石小臣何敢更贊揚
天佑

大清承運起一統萬年御萬方

望新至

盛京展拜 祖塋敬成一律

白首今猶到故鄉 墓門展拜喜非常策

名金石功勳著

高祖宏毅公祠堂世躋

公卿

聖澤長奉

使更沾新

雨露有人議改舊文章

堂姪索諾木策凌新修宏毅公墓

立碑未鏤伊弟索迎安

今族中公議磨去恭泐

恩恭泐欽

宸翰從此豐碑萬古芳

重過永平郡丞官署有感

四十年先此宦游軒窓高爽愛深秋今宵
白髮寒燈影當日朱顏逝水流抱牘更無
前吏在題詩猶有故人留庭槐對我應知
我一別勞勞老未休

辛未元旦

九重景色煥蓬萊對引虔恭上

殿來

寶座龍飛瞻瑞氣

丹墀虎拜聚英才簫韶和藹聲盈耳爐篆

氤氳味勝梅萬國歡呼逢
盛世太平有象慶瑤臺

題族孫厚菴侍御春怡園

結構從心巧費神小樓高矚遠山真森森
修竹臨花徑落落長松蔭錦茵輪奐風光
饒逸趣琉璃世界淨微塵迴廊疊石天然
畫魚鳥相安性亦馴

會試繙譯同補臣副憲典試入闈和

四十年前明王衷白先生題聚奎堂壁間

韻

少小芸窓願力深愧非科第此經臨參軍

當日奪壇幟乾隆中大臣子弟自行保舉能文方准入場時先大夫

督滇黔予應繙譯試叨第一典試於今衡士林老我鬚

眉猶矍鑠羨他才藝共深沉漫言桃李春

來滿望有英賢愜素心

宿聚奎堂東室口占

蝶夢誰驚覺掀帷恰五更闌中無犬吠窓
外有雞鳴皓月清于水虛堂淨若晶可能

心比鏡玉尺好持衡

和補臣副憲詠諸葛菜

六出祁山日屯田利久資刈糧無沃壤種
菜或當時首着肥堪煮石榴艷有姿携來
皆塞外何似此盈墀

辛未武闈會試較射作

文闈纔罷武闈來

典試繙譯生員甫經復

命

會試承

恩拔俊才束矢彎弧憑指臂舞刀掇石展
胷懷糾糾已備干城選侃侃應知帷幄裁

藝勇分呈功力著鷹揚多少棟樑材

懷柔道上暮秋即景

郊原禾黍已全收處處倉箱慶有秋綠柳
雖無春色媚黃花猶有晚香留水光潏灩
天光迥雲影蒼茫雁影浮連日肩輿遵大
路前途坦坦勝驂騑

偶得盆蘭喜賦

蘭本君子風其生在深谷皖江與黔江采
取植華屋綠葉聚叢叢紫莖紛簇簇高介

本天然一榦一花馥氣味襲幽人逢君多
拭目自我旋燕山相思意重複今偶得之
來有如賢友復位置淨几前喜隨笑顏逐
對此祛塵襟時有仙風肅芬芳鼻觀通或
可稱清福
壬申暮春
南苑雙橋門迎
駕恭紀
東門入苑有雙橋

鑾輅經臨禁叫囂按轡徐行瞻

御仗簡軍

大閱在春朝

三月二十日

文須武備昇平

頌治益求安

聖主昭四海康和

德化溥歡騰將士沐

恩饒

有閱官兵賞賚

遊卧佛寺

一卧匡床萬古眠禪心寂靜自安然漫言

大夢何從覺須識真詮豈在宣幻境有無
誰悟得元機深淺各隨緣不生不滅予中
見眼界如如付性天

宿集賢院散步 成親王舊作原韻

二律

小住集賢夏日長湘簾竹簟覺生涼一池
有水新疏濬三徑無花亦就荒得句如仙
欽舊作續貂搦管愧當場近臣侍直沾
恩澤

賜院分居列棟樑

九卿各有值房

陰濃綠樹繞簷楹牆外輪蹄不斷行西關
三山成苑囿東流二水護都城舉頭恰見
鳶飛色卧榻時聞魚躍聲悟徹天機真活
潑頓教萬慮一番輕

檢舊扇見秦小峴司農瀛題句有感

回憶題詩日于今廿二年重逢聯宦轍

前歲

同任倉場

予告獨歸船別夢雲山遠關心筆墨前七

旬今幸居

温旨荷先傳

前蒙 預頒仲冬

恩旨

賜壽

怡園八詠

外凝翠軒

鳳城新卜宅小圃在西偏書室三楹雅花

池萬朶妍綠陰簷下樹翠色雨中天几簟

皆凝碧襟懷自爽然

以靜山房

人生多擾攘靜坐息塵襟曲折山呈態參

差樹作陰翻書友上古索句問來今自得

身安泰常生歡喜心

靜好亭

怡園叢樹茂石畔小亭成談笑多良友喧

囂遠市聲東山無俗韻綠野有閒情娛老

得佳趣悠然氣味清

壘石

簣土為山久而今壘石全列屏環几榻疊

嶂攬雲煙垂柳柔能媚嬌花艷惹憐仙源

何處覓愛我洞中天

尋芳徑壘石成洞

迴廊

迴廊曲折繞爽籟齋許相連灼灼紅桃倚
翩翩紫燕穿西園宜雅集東壁燦新篇修
竹高槐裏餘翁樂永年

南樓

登山思遠眺肯構起南樓彌望青霄迥先
來皓月幽開窓風撲面舉盞雁橫秋瀟灑
如人意丹青筆底收

蘭谷居樓下

尋芳徑

曲徑斜通處沿山取次行引人能入勝覓
景自相迎寶筏于中渡迷津即此明豁然
開爽處頓覺笑顏生

射圃

文修須武備稱職定思全

時以禮部
兼都統

觀德

知非力從心在所專張弓如有的發矢自
無偏養氣為真訣應教足浩然

和項培園詠怡園四律原韻

宦成晚節敢云遲
忝列春官際
盛時忠孝傳家由一本
辛勤卜宅育連枝
小園桃李皆親植
大地風光試主持
蝶拍鶯歌供玩賞
軒前凝翠總堪怡
靜好亭成西圃中
漫言長夏與人同
陰濃綠樹穿梁燕
雲滿竒峯少塞鴻
嘒嘒蟬聲新過雨
馨馨花氣曉來風
從容衫履無須杖
退食欣然詠自公
七旬幸屈古稱稀
風滿南樓暑氣微
籬放

黃花傳益壽
蛩鳴紅葉豈忘機
節窓竹影曾臨墨
隔院砧聲誰擣衣
却愧年來精力減
從心所欲未知非

瑞雪初飄片片輕
銀花着樹比春榮
因風爽籟添真趣
炙火思溫見宦情
好句抒懷呵免筆
清香撲鼻愛梅英
吟來佳什如珠玉
笑我枯腸韻勉賡

重陽後一日雨中種菊

欲添秋色到東籬
纔過重陽正及時
深巷

蘭泉詩稿 卷五
風前多落葉小園雨後少遊絲奇峯布置
東西列叢菊安排上下移凝望方亭饒秀
色晚香濃淡總相宜

蘭泉詩稿卷二十五
庚午而後典禮容臺凡有詠吟固已
別為一集矣壬申十月奉
旨調兵部尚書仍兼署禮部事旋值長至
禮成欽奉
上諭尚書福慶兼管太常寺綜理有方
賞戴花翎是月慶七十生辰蒙

蘭泉詩稿卷二十五

長白福 慶仲餘氏著

夏官集

庚午而後典禮容臺凡有詠吟固已
別為一集矣壬申十月奉

旨調兵部尚書仍兼署禮部事旋值長至
禮成欽奉

上諭尚書福慶兼管太常寺綜理有方
賞戴花翎是月慶七十生辰蒙

特恩

賜壽又蒙

簡放野內大臣竊維

恩遇之隆與遭逢之盛感激奮勉兢惕不

遑因繼春官而別為夏官集

七十生辰紀

恩作

寵榮

賜壽沐

詩卷二十五

恩施政府旋蒙官量移既荷貂冠飄翠羽

又叨章服耀黃衣

內大臣
例穿黃馬褂

鞠躬盡瘁

心彌切拜手宣猷志有為

高厚難酬圖萬一七旬矍鑠及良時

雷雨癸酉仲春喜雨用六兒韻

春曉濃陰霧色迷連宵細雨麥初齊向榮

林木蘇平野新漲河流潤舊隄大尹欣能

告

玉闕老農喜似報金泥

至誠昭格豐年兆

是日祀

皇上親社稷壇南畝

旋看處處犁

林木五月十一日喜雨

濃雲來四面暑氣淡如春久旱風欺樹轟

雷雨快人醒花開鬱結洗石露精神播種

農民喜歡呼達

紫宸

喜次孫重祥入泮詩以勉之即用項

恩滋文培園茂才韻

入泮童孫慰我思終軍弱冠未云遲

孫十九年

年來科第承先澤

族中自堂姪瑞保丁未成進士後近惟薩迎阿

登賢書五弟紫佩丁酉科選拔三弟芷泉舉茂才無多人窓下詩書勵

董帷春暖要看三級浪秋高猶冀一攀枝

傳家事業應須記萬里鵬程發軔時

禁烟初秋郊外曉行

初秋五夜北郊行碧落星稀斜月明禾黍

芄芄看不厭村莊寂寂聽無聲馬循衰草

蹄痕淺魚躍長溪水色清揮汗曾嫌昨日

暑曉來爽氣葛衣輕

中秋值宿

侍直中秋宿

禁城天街月色喜晴明

龍樓

鳳閣祥光繞仙桂銀蟾爽氣清瑣院掄才

羣獻策

次孫重祥

樞廷退食感

恩榮

聖駕駐蹕熱河

更看樂歲豐登

象萬國咸亨慶舉觥

甲戌夏日有懷芷泉三弟

憶昔兒童時相將騎竹馬從師共讀書屢

易春與夏我既為參軍爾入泮池雅筮仕

及中年宦轍各分野雖未日相親猶或袂

一把今爾塞外遊

弟在古城領

愧我過不

寡

前因正黃旗漢

軍副都統任內失察事

惶悔懼

弟年六十餘兄逾七十者何日雨

聯床同話相思也

怡園秋日

手植怡園花五色堪娛目蕉綠上窓紗迴
廊繞修竹環石潤蒼苔亭藏似幽谷紅葉
望中鮮凝翠樹遮屋樓低遠市聲蛩鳴聽
山麓貯水養朱魚佳禽筠籠蓄紫蓼穗已
垂籬邊將放菊習射身康強學古翻書讀
對奕興致賒覓句心情肅閒中歲月寬俯
仰承平福

半園居口占用五兒韻

愛我怡園景自嘉山南宛似野人家編籬

試種隨時菜看竹頻煎竟日茶樓上酒旗
飄處雅窓前石磴不爭華尋芳緩步來幽
徑花柳迎人洞口斜

種菊

種菊滿怡園秋英真可愛何必拘東籬隨
地植無碍黃華能耐霜五美得修態甘谷
不易逢冷香堪坐對無事擾胃懷有景供
盼睽蕭蕭白髮翁于焉感覆載

乙亥元日和午堂表兄原韻四首

瑞雪飄除夕祥占
德化神
九重開喜色萬象轉洪鈞
歲首咸逢泰春
來似飲醇欣看風日麗
隨意步芳塵
七十二年事間中次第尋
花開知實茂水
活藉源深

恩重銜難釋才踈愧不禁
回頭渾似夢歲
月去駸駸
造物無私意機緣何所求
張弓思中的臨

水任垂鈎春色持盃賞
風光滿座留一番
真趣味朋舊話言稠

三陽元日始佳氣
煥雲蒸柳醒鶯遷谷河
開鯉出水千家多
爆竹五夜滿懸燈無事

靜中坐居然有髮僧
夏日遣懷
夏坐北窓下薰風款款來
晴花烘院落夜
雨長莓苔積悶無方
破殘編亦倦開養心
惟習靜自愧乏長才

夏坐北窓下薰風款款來
晴花烘院落夜
雨長莓苔積悶無方
破殘編亦倦開養心
惟習靜自愧乏長才

自警

樂天曾為自誨句又作無可奈何歌字字
皆為見道語何不仿效自揣摩窮通無足
繫憂喜生死度外似擲梭回憶龍潭墜水
日感神默佑出澄波奔馳從此千萬里西
度瀚海南牂牁得馬失馬有殷鑒吉凶悔
吝無差訛飢餐渴飲性所便夙興夜寐任
時過七十已云古稀歲況又加三體氣和
胡為遑遑欲何之隨遇而安樂自多

消暑

杜門久謝客鎮日聽松濤眼為觀書倦身
憑較射勞茶煙香靜穆風雨竹蕭騷獨坐
非無侶深情託素毫

對菊偶成

秋菊有佳色曾讀古人詩而何重陽到未
放猶空枝應候徒虛語踟躕有所思天時
與人事無定信難知殷勤為灌溉徘徊日
望之前夜嚴霜降衆草皆披離一派荒涼

裏淒淒難自持今日小園步黃花初逞姿
山巔及山麓幽芳景物滋對此情懷爽物
理却在斯譬之源頭水流到自漣漪又如
雲出岫布滿雨方施有本皆如是何必嫌
其遲恍然忽開悟一笑展雙眉

丙子初春張夢草少卿暉吉招飲即

春初淑景趁新晴朋舊招要共舉觥談笑
抒懷不在酒吟哦遣興愛聞鶯龐眉三老

吾猶少

查大理淳年八十三張少卿
七十七歲余年七十有四

放眼

千秋計已輕話到黔陽念疇昔依然回首
不勝情

輓表姪王得辛

頭角崢嶸正少時戶曹承廕日驅馳頻年

歎賞空無及一病迷離竟不支親老況當

家益落妻賢終望子能知表姪婦
曾割股彭殤久

定雖難解對此茫茫有所思

秋日登樓

偶上南樓望欄邊柳線長
兩山叢樹密半圃野疏香
漸近黃花節空慚綠野堂
蛩聲時入耳雨霽淨秋光

丙子中秋書事

八度蟾圓在

帝畿七旬有四見秋輝
舉盃尚戀清光好顧影猶嫌
舊夢稀桂苑香飄縈采筆霓裳
曲奏舞斑衣遙知樺燭三條夜
可許文壇

奪幟歸

三孫勳承
應京兆試

聞三弟自阿克蘇奉

召還京喜而有作

宦途行色壯奉

使駐巖疆手足八年別家書
萬里望玉關生許入

楓陸澤非常屈指歸來日
春風喜對床

家厚菴邀同族三十三人集春怡軒

治譜事即席口占

細雨斜風三月天
怡春軒裏列華筵
重修

譜系家聲遠厚植根基盛舉傳燦爛梨花

渾傲雪依稀柳色欲含煙七旬餘叟逢佳

會余年七十五靜齋姓七十四五世同堂喜共聯

遙和三弟歸興原韻春風喜懋衣

塞外都中共一天別離異地幾經年

九重恩命心多感萬里情懷意倍憐頻寄音書

同眷戀吟成詩句最纏綿重逢漫話相思

切鬚髮于今兩皓然補本

項培園孝廉本彝課余小孫與兒輩

久益善余甚契之丁丑五月扶櫬

南返走來告余別緒盈懷黯然賦

此

白髮悽然送客行寒窓留榻十年情泥金

高捷奪魁首斑管生香署姓名丙子經魁

孟母訓兒垂閭範培園幼孤貧太孺人李

西副車房考洪鈐親為督課有義方其癸王褒哀感動門生門及

殿撰為作墓銘甚悉長途別後思珍重老我

顧耕菴孝廉輓詩七章最為沉痛

時時數去程

喜晤三弟

老年兄弟快重親十載離懷一旦伸良會
喜添黃菊影相看俱是白頭人話來朋舊
全非昔坐久燈花又報新從此燕山常聚
首

國恩家慶樂天倫

弟蒙以部郎用

恩

和六兒冬夜書事韻

挑燈兀坐體生寒瑞雪霏霏到夜闌風動

棲鴉瓊樹滿香凝寶鴨瑣窓看圍爐酌酒
三更話絮襖餘糧四野歡幸際昇平娛歲
月梅花小閣夢魂安

戊寅元旦書懷

七旬有六又吟春淑景怡然萬象新酒進
長生同歲獻人猶不老與仙隣欣逢賀客
從容話從此看花逐漸勻更為兒孫添吉
語于門積善是前因

四月二十一日喜雨

一春無雨旱風連日日咨嗟向大田忽沛

甘霖蘇地脉

至誠感格轉豐年

皇上製文三壇即得微

雨次日連宵達旦共得雨五寸餘誠快事也

爽籟小齋自題額曰抱神以靜因成

八韻

上界常以歲為日冥中又以日為歲以時為日惜寸陰抱神以靜人生衛生但得過古稀即是長生久在世貪嗔癡果不動

心掃淨俗塵大智慧盈虛消息如輪環水流來去皆東逝鬱蒸之氣風必生密雲久雨終開霽天道由來總若斯古今人事何須計閒來把筆一長吟回首窓前花滿砌

賦情開卷外筆一尋今回首首亦斷
雨發開卷外筆一尋今回首首亦斷
雨發開卷外筆一尋今回首首亦斷
雨發開卷外筆一尋今回首首亦斷
雨發開卷外筆一尋今回首首亦斷

蘭泉詩稿卷二十六

長白福慶仲餘氏著

聖紀

恩集

癸酉冬間被廢後自知終老牖下深

錄全負

恩慈感激悔懼之私時縈夙夜戊寅九月

欽奉

恩旨額開國元勳緬惟先代舊勞

恩允宜賞延後嗣福慶着以六部郎中用
伏念慶仰蒙

覆載逾格
矜全難酬

高厚於從前冀効涓埃於此後紀
恩名集敬誌

聖慈 祖澤舉念不忘云

戊寅九月蒙
恩錄用部郎敬成一律

異數重邀列部郎寒花正喜值秋芳自期
謹慎心加密更効勤勞政有方開國元勳
昭史冊傳家後代沐
恩光九旬衛武應知警永荷
溫綸世澤長

春風九日登莊邸志青閣
高閣峻嶒仰志青茱萸佳節醉初醒平分
風月軒前額環繞池橋水上亭院宇閑深
崇舊製園林清雅記重經秋來處處皆踈

爽一何例黃花列滿庭

秋郊即景

郊原禾稼已全收

鼓腹村村笑語稠

共道春風曾苦旱

喜逢夏雨轉豐秋

至誠

帝力咸知感後樂

民情無所憂

宿麥苗生真可愛

迎神飲福快優游

盆梅

喜過一陽後

盆梅取次妍

移來庾嶺夢

羸

得瑣窓憐雅色

分紅白清香不斷連

良宵寒月影相對

自年年已卯歲初三日喜雪

立春前五日瑞雪滿平田喜洽三農望

恩施萬國全茅簷無剥啄棘院起英賢

皇上六旬萬壽慶典普免天下積欠錢糧

詔開鄉會試恩科

慶臣民樂同遊

壽寓天

喜寓天... 樂回... 萬壽... 皇土... 恩... 大... 近春... 喜... 寒... 身... 寶...

蘭泉詩稿跋

大司馬公好吟詠每歷一境別為一編原稿甚繁富今二十六卷名仍其舊而刪存如干首公教歷中外四十餘年經濟文章詳諸史乘而立心之誠篤處世之和平憂勤惕厲之功殫見博聞之學則散見於集中第發乎性情之真而不事雕飾類皆出之坦易則不遑夙夜所由然也丙子夏命為編錄旋奉諱南行泊服闋北來公

遽捐館諸公子捧集泣謂本彛曰先君子心力所在也本彛潛然受而讀之踐前諾辛巳夏始竣事而本彛亦將出為靖安丞計自為諸生時即館間公第先後至今凡十六年其間充校錄舉明經登賢書何者非言公飲食教誨之力不能報之於公身其忍負一公於身後耶獨是而公之期許甚厚而本彛學慚荒落今且一行作吏又何以告公耶豈公之望本彛者

不在是則本彛之束身砥行又當如何自愛也公嗣坦齋都統容亭戶部交久益善燈窓晨夕敬共校讐樂是集之成而又痛公之不及見相與咨嗟涕洟久之然而讀公之詩繼公之志公之靈爽常在也又何憾耶道光辛巳天中前一日蘭陵後學項本彛謹識

蘭刻刻學既本華藝始
常亦也父所創相直夫平
西齋六公之詩繼後公之
蘇非公之下及良師與吾
善敬慕景及始共對學樂
愛也公歸與齋格於容亭
不或矣頃本真之來良師
何自

嗚呼此先君子一生心力之所在也先君子生平寡
嗜好慎交游性情心術之際有所感觸發而成聲非逞才
也性所好也年十六入直繙書房遂輟舉子業維時先
大父總督兩湖緣事成塞外又相繼遭嫡祖母生祖
母憂無以為家廬居里八台墓側距安定門八里漏四下
即步至城闔伺門啟入理藩院治事寒暑無間嗣又值四
五兩季父喪家庭骨肉之間啣哀抱痛則如蓼莪常棣之
發于音聲者有之及乎捧檄燕圻觀風西塞屏藩皖國開
府夜郎駁歷中外幾五十年自丞守游掌六卿受

聖主知遇之隆，矢臣子涓埃之効，則如蓼蕭湛露之形，諸詠
蹈者又有之。然而先君子歟，然終不以詩自名也。識者
謂先君子詩近香山司馬七十老嫗都解，蓋天機所動，
抒寫性靈，固有不拘拘于三唐兩宋而自然合度者。言為
心聲，理固然歟。順不才未能箋注出而問世，僅偕弟姪等
彙錄成帙，歲之家塾，俾我後人共知學問事業與心術相
表裏，則以此為先君子之遺範可也。謂先君子之年
譜亦可也。至若西域竹枝等篇，已邀諸名家梓行于世，不
再錄。男博克順謹識，男和其寬敬編次，孫男重喜、
勳、承、宣、猷恭校字。

先妣董鄂太夫人家傳

太夫人氏董鄂，幼有至性，嫺禮教，外祖

永公諱常，最鍾愛之。年二十一歸我府。

君佐理家政，內外無間，言旋遭先祖之

變家計中落。府君廬居墓側，幾不聊生。

太夫人以府君世受

國恩，急宜勉自樹立。每晚篝燈，紡績漏四

下，具盥沐趨。府君起入城，治公去始和

衣假寐。及府君返，則又炊黍以待，日以

為常 府君棟發直隸以郡佐用擬偕往
太夫人不欲以家計分捧檄心辭不赴
府君旋以僉差不慎被議回旂制府
劉公 峩重 府君誠實特疏奏請得
旨允行補河間府同知 太夫人始挈眷
入署縫紉執爨如居里八台時 府君歷
守河間天津永平諸郡所到有政聲則
太夫人有以佐之故得盡心民事也 府
君擢安肅道調鎮迪在甘省凡九年其間

男博克順 及大兄四兄先後回旂當差俱
授室 太夫人屏擋家事間關數千里行
抵蘇喇河風作不得渡先是 外祖蒞甘
久甘省軍民德之歿後祀於河神廟 太
夫人具牲醴詣禱風頓息誠孝所感靈應
如響及 府君廉訪皖江歷方伯撫黔中
太夫人時一至署嘉慶丙寅秋 男和其
寬 乞假赴黔迎 太夫人携眷歸奉
旨福 長女指為 三阿哥福晉擇於十

四年正月十六日成禮維時府君在黔
感激
聖恩悚惶益切馳書寄太夫人將應行
典禮敬謹儲備太夫人指示男等悉心
將事屆期前三日府君自黔中歸周視
諸禮儀無悞為太夫人慰勞者再是年
三月五日太夫人七十生辰府君適
拜總督倉場之命
太夫人喜動顏色謂府君年力漸

衰在京供職以圖報稱此願足矣既而擢
少司空晉宗伯遷大司馬受
恩既重食指亦繁府君退食之餘怡情
翰墨置家事於不問太夫人食貧既久
措之裕如以故諸子婦俱相率搵勞習于
甘苦子若孫亦不敢飾車裘泛交游也居
京時每念府君久在外任凡遇水陸珍
品時鮮蔬菓之類計府君所不獲嘗者
亦不敢嘗府君晨趨公必親捧冠侍不

假妾媵手寒暑無間至老弗衰性爽直不
佞仙佛而慈祥本自性生不觀書史而行
為動與古合言笑不苟喜怒不形歸府
君時 先祖制兩湖 外祖督陝甘兩家
門第方當全盛人以席豐履厚為 太夫
人幸 太夫人勤勤懇懇早作夜思弗倦
也 府君廬墓時僮僕星散擔石常虛人
以窮愁憔悴為 太夫人慮 太夫人愉
愉婉婉氣靜神怡自若也晚年

綸綽頻膺兒孫繞膝人以晚景康娛為
太夫人快 太夫人兢兢業業安不忘勞
有素也生平體氣清和飲食有節不服醫
藥年過七旬髮無二色以為期頤可望也
乃有暗損於中者早年逮事舅姑日淺飲
痛在心順長兄以攻苦早夭嘉慶癸亥四
兄卒於廣東羅定副將任嫂亦逝 太夫
人胞妹適 國公 諱霖 歿後遺一女以之
妻博克順 即元配富察夫人也甲戌四月

即世七弟博奇當阿棟發滇中遊擊戊寅
秋間凶問突至次孫重祥已入泮矣又以
羸疾夭幼孫殤者俱傷太夫人心及已
卯三月府君捐館而太夫人精神憊
矣以甲申正月十九日壽終享年八十有
五嗚呼痛哉順等不肖不能乞當代名
公一言以傳於世而徒以淚濡墨詮敘一
二歲之家乘以示我子孫是則疚心中夜
者也豈不痛哉服除後一日男博克順謹

述男和其寬全敬錄

道光六年歲次丙戌四月孫男重喜勲承

宣猷宣政

策布甲勲

立勲裕雙

壽等恭讀

